

Publication	Sinar Harian	Section/Page No.	Laporan Khas/Pg.N15
Date	Sunday, 26th September 2010	Lead Article	No
Headline	Tips Membeli Barang Alat Ganti		

Tips membeli barang alat ganti

Bagi mereka yang biasa dan tahu selok-belok harga sesuatu barang alat ganti kereta seperti minyak pelincir, *plug*, *air filter*, *oil filter*, *absorber*, *spring*, *clutch plate*, *brake pad* dan sebagainya pasti akan dapat menilai kualiti dan harga barangan tersebut.

Tetapi, bagaimana dengan mereka yang kurang arif atau tidak tahu langsung? Sebaiknya mereka ini perlulah rajin bertanya serta mendapatkan nasihat daripada mereka atau wakil penjual yang sah. Ini bagi mengelakkan diri dari tertipu atau terbeli barang tiruan yang dijual pada harga mahal.

Paling malang, alat ganti yang dibeli itu boleh merosakkan kenderaan anda atau mengundang berlakunya kecelakaan jalan raya. Berikut, tip ringkas untuk anda mengenal pasti jenis-jenis alat ganti.

Ketika ini, sekurang-kurangnya terdapat lima gred barang alat ganti, terutamanya kereta berada di pasaran.

1. Alat ganti tulen: Biasanya datang dari negara pengeluar seperti Jepun dan UK. Biasa harganya sangat mahal dan hanya boleh didapati daripada pengedar sah. Barangan ini sangat berkualiti dan terjamin ketahanannya. Biasanya penjual akan memberi jaminan terhadap barangan ini.

2. Alat ganti tulen tetapi dibuat di Malaysia: Ia dibuat di bawah lesen pengeluar. Harganya murah sedikit berbanding di atas. Kualiti terjamin dan biasanya diberi jaminan oleh penjual.

3. Alat ganti tiruan yang dibuat di Malaysia atau di negara lain: Harganya sangat murah, kualiti dan ketahanan barang tidak dapat ditentukan.

4. Alat ganti recon yang direcon di Malaysia: Barangan ini sangat berbahaya kerana ia boleh menyebabkan kerosakan yang teruk kepada enjin kereta sekiranya kita menggunakannya. Harganya seperti barangan nombor dua di atas dan perbezaan barangan sangat sukar dilihat.

5. Alat ganti terpakai/secondhand (kedai potong): Barangan ini boleh dikatakan 100 peratus original tetapi terpakai. Harganya boleh dikatakan separuh daripada harga barangan alat ganti tulen. Kualiti barang bergantung pada jenis barangan dan kenderaan. Biasanya penjual akan memberikan jaminan yang terhad untuk barangan ini.